



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

R. Angliae Regi Illvstri.

urn:nbn:de:hbz:466:1-20006

370 Epistolarum Innocentij III.

bus sui archiepiscopatus redditibus de-
stitutum, & quod longo fuerat afflitus
exilio, & in injuriam totius Cleri mendi-
care coactus, supplex & humilis propo-
nebat. Volentes itaque ipsum tanquam
fratrem nostrum & Ecclesiae filium dili-
gere ad gratiam, & te tanquam catholi-
cum Principem & apostolicæ sedis filium
specialem ad justitiam dirigere conser-
vandam, immo directum potius exhortari,
cùm incontemptum ejus cuius exi-
stit minister, & apostolicæ sedis injuriam,
quæ ipsum in partem solitudinis evo-
cavit, & tuam etiam (ut prosequamur
verum) verecundiam, cuius est frater,
redundet ministrum Dei solitudinis
nostræ consortem & regali stirpe proge-
nitum mendicare, serenitatem regiam
omni qua possumus affectione rogan-
dam duximus & monendam quatenus
tam nos quām te ipsum ab hujus onere
difficultatis absolvias, & à labiis liberes
detractorum, qui non solum quæ perpe-
ram attentant ad detractionem assu-
munt, sed etiam secundū Prophetam
exacuerunt ut gladium linguas suas, te-
tenderunt arcum rem amaram, ut sagit-
tent innoxios in occultis. Attendas igi-
tur quanta nos infamia, quanta te de-
tractio sequeretur, si vel justa petitio
exulis non introiret in aures nostras, vel
te fratris exilium non moveret, & eun-
dem Archiepiscopum ob reverentiam
apostolicæ sedis, quæ te tanquam filium
diligit specialem, & in hoc & majoribus
de celitudinis tuæ sinceritate confidit,
in plenitudinem gratiæ regalis admittas,
& diligas sicut fratrem, & velut Christi
ministrum honores: ut in uno eodemq;
negocio Deum tibi reddas propitium,
consulas apostolicæ sedis honori, tuæ sa-
luti provideas, & fratri subvenias exal-
lanti. Memor esto salubris consilij quod
nobis per tuas literas (ut diximus) præ-
buisti; & dum secundū illud nos agere
recognoscis, quod agimus approbes, &
regaliter exequaris; ne qui nos justè in
omnibus procedere suggestisti, secundū
justitiam agentibus te opponas, sed
taliter ad exhortationem nostram cures
cum eodem Archiepiscopo convenire
quod jura ejus auferre vel minuere mi-
nimè videaris & ipse contra suam & Ec-
clesiæ non veniat honestatem. Ad id au-
tem laudabilius & celerius exequendum
venerab. fratrem nostrum Rothomagen.
Archiepiscopum & dilectum filium Ab-

batem de Persagia, de quorum discre-
tione plenè confidimus, duximus depu-
tandos, qui honestum modum pacis in-
veniant, & eundem Archiepiscopum re-
giae benevolentia reconciliare studeant,
& in tuæ serenitatis devotione ac obse-
quio solidare. Quod si fortè (quod ab-
sit) per eos tractatus pacis juxta votum
nostrum & desiderium non poterit con-
summari, eundem Archiepiscopum ad
temporalia restituere non omittas, nec
impedias quod minus in spiritualibus cre-
ditæ sibi dispensationis officium exequa-
tur; sciturus nos dilecto filio P. sanctæ
Mariæ in via lata Diacono Cardinali,
apostolicæ sedis Legato, dedisse firmiter
in mandatis ut apud te monitis & exhor-
tationibus diligenter insistat quod eidem
Archiepiscopo possessiones subtractas si-
ne dilatatione & difficultate restituas uni-
versas, & de proventibus inde perceptis
& damnis illatis satisfacias competenter.
Ita quod si ipse aliquid serenitati regiæ
tenetur exoluere, tibi cum integritate per-
solvat. nisi forsan quod tibi debeba-
tur, de ipsius proventibus à te vel alii
tuo nomine sit perceptum. Datum Late-
rani IV. Kal. Maij.

*Scriptum est super hoc Rothomagensi Ar-
chiepiscopo & Abbatu de Persagia ferè in
eundem modum ut supra usque in finem, &
hoc plus. Volumus autem nihilominus &
mandamus ut literas nostras, quas eidem
Regi pro dicto Archiepiscopo destina-
mus, ipsi præsenteris, & responsum ejus
cureteris dicto Cardinali per vos vel per
literas vestras pleniū intimare. Quod si
ambo &c. alter &c. Datum ut supra.*

R. ANGLIAE REGI ILLVSTRI.

A Postolica sedes &c. usque in finem,
& hoc plus. Alioquin cùm sereni-
tatem tuam super hoc temel & iterum &
rogaverimus efficaciter & monuerimus
diligenter, et si molestius nobis quām tibi
fururum existat, si te occasione qualibet
molestemus, quia tamen à prædicto tuæ
serenitatis consilio declinare nec volu-
mus nec debemus, ne culpa tua nobis &
in præsenti ad detractionem & in futuro
imputetur ad poenam, eidem Cardinali
dedimus in mandatis ut magnificentiam
tuam ad hoc per interdictum totius Ebo-
racensis provinciæ appellatione remota
compellat. Et si nec sic infra tempus
quod idem Legatus tibi statuerit, effe-

Epi. 53.
De codem 22.
gumento.

ceris quod mandamus, ex tunc totam Angliam sublato appellationis obstaculo subiectat sententia interdicti. Eligas igitur sicut vir providus & discretus in nobis postulat matris affectum quam magistri experiri rigorem, qui sine multa molestatione nostra te molestare non possumus, & in his etiam salutem tuam sollicitè procuramus; nec nobis causam vel occasionem aliquatenus tribuas, per quam fervorem illum tepefere facias, quo non mediocriter sumus ad tuum promovendum honorem accensi. Datum ut suprà.

Scriptum est super hoc P. Sanctæ Marie in via lata Diacono Cardinali, apostolice sedis Legato.

P. SANCTÆ MARIE IN VIA lata Diac. Card. apostolice sedis Legato.

Bpl. 60.
Vi quicunque
beneficia in ar-
chiepiscopatu
Eboracen ob-
tina Archiepi-
scopi voluntar-
iūm acceptarū,
difficiuntur.

Q Via diversitatem corporum diversitas saepe sequitur animorum, ne plenitudo ecclesiastica jurisdictionis in plures dispensata vilesceret, sed in uno potius collata vigeret, apostolicae sedi Dominus in beato Petro universarum Ecclesiarum & cunctorum Christi fidei- lumen magisterium contulit & primatum: quæ, retenta sibi plenitudine potestatis, ad implendum laudabilem officium pa- storale, quod omnibus eam constituit debitricem, multos in partem sollicitudini evocavit, sic suum dispensans onus & honorem in alios, ut nihil suo juri subtraheret, nec jurisdictionem suam in aliquo minoraret. Cum autem ex suscep- tione auctoritatis officio singulis, tanquam sin- golorum mater, justa pertentibus justi- tiam nec possit nec debeat denegare, cum justitia & judicium sit præparatio sedis ejus, nos, qui ad ejus regimen sumus, licet insufficietes, assumpti, fratribus & coëpiscopis nostris ad nos clamanti- bus non possumus in justitia non adesse, aut quod justè postulaverint non audi- re; ne si forsan circa exhibendam eis ju- stitiam fuerimus inventi remissi, ipsi quo- que negligentes inveniantur in reddendi- bus juribus subditorum, & commissam si- bi nostræ sollicitudinis partem minus lau- dabiliter exequantur, si, quod absit, nos viderint vel declinare à jure, vel non au- dire justitiam postulantes. Hac autem ratione diligenter induci, venientem ad apostolicam sedem venerab. fratrem no- strum G. Eboracen. Archiepiscopum be-

nignè recepimus, & multiplices ejus cu- ravimus querelas audire. Conquerebatur autem inter cetera, quod cum ad eum in Eboracen. Ecclesia & in aliis Ecclesiis suis collatio pertineat præbendarum, tempore suspensionis ipsius, & postmo- dum etiam quidam se præter ejus auctoritatē in ipsas intruserant, & in hoc & aliis juri ejus non modicum derogarant. Quidam etiam in quasdam abbatias dio- cesis Eboracen. post interpositam ad nos appellationem irrepserant, qui ab eo nec confirmationis munus nec benedictionis gratiam postularunt. Volentes igitur ei- dem Archiepiscopo per tuae sollicitudinis industria provideri, de fratribus nostro- rum consilio discretioni tuae per aposto- lica scripta districte præcipiendo man- damus quatenus eos qui præbendas vel dignitates Eboracen. Ecclesiae vel alia- rum Ecclesiarum ad donationem ejus spe- ciantes præter auctoritatem ipsius acceperunt, ad eas resignandas moneas diligentius & inducas, cum eas non pos- fint salva conscientia detinere. Quod si monitis tuis acquiescere fortè noluerint, eos ad id per excommunicationis sen- tentiam & subtractionem aliorum bene- ficiarum suorum, non obstante confir- matione à sede apostolica obtenta sub forma communis, quæ confirmat bene- ficia & præbendas, sicut justè ac pacifi- cè possidentur, appellatione remora compellas, nisi forsan aliqui præbendas ipsas vel ex speciali mandato apostoli- cae sedis vel auctoritate Lateran. Conci- lij ab Eboracen. Capitulo sunt adepti;

sic tamen ut tempus suspensionis in sex mensibus nullatenus computetur, cum illa Lateran. Concilij constitutio contra negligentes tantum & desides fuerit pro- mulgata, & tunc, si voluerit, non tamen valuerit, Archiepiscopus ipse in confe- rendis præbendis uti propria potestate: à qua etsi fuerit sua culpa suspensus, non tamen ad ipsum Capitulum ex illa culpa præbendarum erat donatio devoluta, sed ad illum tempore suspensionis ipsius præ- bendarum donatio pertinebat qui pro- pter ejus negligentiam & desidiam po- terat præbendas donare. Tempus etiam quo ad apostolicam sedem accessit, apud illam permanxit, vel recessit ab ipsa, infra sex menses nullatenus computetur. Se- mestre quoque tempus non à tempore vacationis præbendarum, sed notitiae potius ipsius Archiepiscopi & commo-

A A a ij